



**Broj: 02-50-1-16-19/08  
Sarajevo: 29.7.2008. godine**

**BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM**

**PREDMET: Obavještenje**

Dom naroda Parlamentarne skupštine BiH, na 19. sjednici, održanoj 23.7.2008. godine, razmatrao je sljedeće:

1. Zahtjev Predstavničkog doma za razmatranje Prijedloga zakona o izmjenama i dopunama Zakona o sukobu interesa u institucijama vlasti BiH, po hitnom postupku u skladu s članom 122. Poslovnika Doma naroda;
2. Prijedlog zakona o izmjenama i dopunama Zakona o udruženjima i fondacijama BiH (drugo čitanje), predlagač: Vijeće ministara BiH;
3. Prijedlog okvirnog zakona o srednjem stručnom obrazovanju i obuci u Bosni i Hercegovini (drugo čitanje), predlagač: Vijeće ministara BiH;
4. Prijedlog zakona o izmjenama i dopunama Zakona o policijskim službenicima BiH (drugo čitanje), predlagač Vijeće ministara BiH;
5. Prijedlog zakona o dopunama Zakona o upravnim sporovima (prvo čitanje), predlagač: Vijeće ministara BiH;
6. Prijedlog zakona o izmjenama i dopunama Zakona o finansiranju političkih stranaka (prvo čitanje), predlagači: delegati Ilija Filipović, Mladen Ivanić i Alma Čolo;
7. Prijedlog zakona o prestanku važenja Zakona o flaširanim pitkim vodama BiH (prvo čitanje), predlagač: Vijeće ministara BiH;
8. Zahtjev Zajedničke komisije za administrativne poslove za razmatranje Prijedloga odluke o izmjenama Odluke o organizaciji Sekretarijata Parlamentarne skupštine Bosne i Hercegovine, po hitnom postupku, u skladu s članom 122. Poslovnika Doma naroda;
9. Izvještaj Zajedničke komisije za usaglašavanje teksta o Prijedlogu zakona o Fiskalnom vijeću BiH;
10. Izvještaj o radu Centralne izborne komisije BiH za 2007. godinu;
11. Izvještaj Ureda za reviziju institucija BiH o izvršenoj reviziji u 2006. godini sljedećih institucija:
  - a. Ministarstva odbrane BiH
  - b. Ministarstva finansija i trezora BiH.
12. Godišnja platforma o obavještajno-sigurnosnoj politici, podnosilac: Predsjedništvo BiH;
13. Imenovanje ombudsmena u Instituciju ombudsmena za ljudska prava Bosne i Hercegovine (prijedlog liste Ad hoc komisije za imenovanje tri ombudsmena u Instituciju ombudsmena za ljudska prava BiH);
14. Davanje saglasnosti za ratifikaciju Sporazuma između Bosne i Hercegovine i Republike Turske o izbjegavanju dvostrukog oporezivanja u odnosu na poreze na dohodak i imovinu;
15. Davanje saglasnosti za ratifikaciju Konvencije o zaštiti evropskih divljih vrsta i prirodnih staništa;

16. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Kantonalnu bolnicu 'Safet Mujić' Mostar;
17. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT – Projekat nabavke medicinske opreme za Dom zdravlja Mostar;
18. Davanje saglasnosti za ratifikaciju Sporazuma o kreditu između Bosne i Hercegovine i BAWAG P.S.K. BANK FUR ARBEIT UND WIRTSCHAFT UND OSTERREICHISCHE POSTSPARKASSE AKTIENGESELLSCHAFT za Projekat nabavke medicinske opreme za Kliničku bolnicu Mostar;
19. Davanje saglasnosti za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu u primarnoj zdravstvenoj zaštiti na Balkanu;
20. Davanje saglasnosti za ratifikaciju Memoranduma o razumijevanju između Vijeća ministara BiH i Vlade Kanade o Kanadskom projektu za mlade i zdravlje na Balkanu;
21. Davanje saglasnosti za ratifikaciju Programa finansijske saradnje između Vijeća ministara BiH i Ministarstva industrije, turizma i trgovine Kraljevine Španije;
22. Davanje saglasnosti za ratifikaciju Sporazuma između Vijeća ministara BiH i Vlade Republike Makedonije o saradnji u zaštiti od prirodnih i drugih katastrofa;
23. Davanje saglasnosti za ratifikaciju Sporazuma između Bosne i Hercegovine i Kraljevine Norveške o finansiranju rekonstrukcije i obnove fasade zgrade Parlamentarne skupštine BiH;
24. Davanje saglasnosti za ratifikaciju Sporazuma o kreditu između Bosne i Hercegovine i Bank Austria Creditanstalt AG – projekat izgradnje vodosnabdjevanja u općini Srbac.

#### **Ad. 1.**

Dom naroda jednoglasno je usvojio po hitnom postupku Zakon o izmjenama i dopunama Zakona o sukobu interesa u institucijama vlasti BiH

#### **Ad. 2.**

Dom naroda jednoglasno je usvojio Zakon o izmjenama i dopunama Zakona o udruženjima i fondacijama BiH u identičnom tekstu kao i Predstavnički dom.

#### **Ad. 3.**

Dom naroda jednoglasno je usvojio Okvirni Zakon o srednjem stručnom obrazovanju i obuci u Bosni i Hercegovini s 8.amandmana koji su identični amandmanima u Predstavničkom dom.

#### **Amandman I.**

U članu 2. u stavu (2) riječi i zagrada: „/vojna, policijska, vjerska/“ brišu se, a ostali dio teksta ostaje nepromijenjen.

#### **Amandman II.**

U članu 6. u stavu (1) riječi i zagrada: „/vojna, policijska, vjerska/“ brišu se, a ostali dio teksta ostaje nepromijenjen.

#### **Amandman III.**

U članu 9. stavu (3) mijenja se i glasi:

„(3) Dio nastavnog plana i programa za svaki stručni predmet na prijedlog stručnog aktiva utvrđuje nastavničko vijeće škole, a odobrava nadležni ministar.“

**Amandman IV.**

U članu 10 u stavu (1) na kraju teksta briše se tačka i dodaju riječi: „i nadležno tijelo za obrazovanje unutar svojih nadležnosti.“

U članu 10. u stavu (2) riječ „naročito“ briše se, a iza riječi: „Agencija za obrazovanje“ dodaje se tekst: „u saradnji s nadležnim ministarstvima“.

**Amandman V.**

U članu 15. u stavu (1) veznik: „i“ briše se, a ispred riječi: „direktor škole“ dodaje se riječ: „ravna“

**Amandman VI.**

U članu 20. u stavu (1) riječ „blagovremenog“ briše se, a na kraju teksta briše se tačka i dodaju riječi: „uz saglasnost nadležnog ministarstva.“

**Amandman VII.**

U članu 21. st. (1) i (2) mijenjaju se i glase:

„(1) Škole mogu organizovati obuku odraslih u sklopu svojih registrovanih djelatnosti uz saglasnost nadležnih obrazovnih vlasti. Nadležni ministar donosi nastavni plan i program za obrazovanje i obuku odraslih.“

(2) Polaznicima obuke za odrasle naplaćuje se naknada za obuku. Visinu naknade utvrđuje i donosi školski odbor uz saglasnost nadležnog ministarstva za obrazovanje.“

**Amandman VIII.**

U članu 24. riječi: „u entitetima, kantonima“ zamjenjuju se riječima „entitetu Republici Srpskoj, kantonima u Federaciji BiH“.

**Ad. 4.**

Dom naroda jednoglasno je usvojio Zakon o izmjenama i dopunama Zakona o policijskim službenicima Bosne i Hercegovine u identičnom tekstu kao i Predstavnički dom.

**Ad. 5**

Dom naroda jednoglasno je usvojio u prvom čitanju Prijedlog zakona o dopunama Zakona o upravnim sporovima

**Ad. 6.**

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o finansiranju političkih stranaka

**Ad. 7.**

Dom naroda jednoglasno je usvojio u prvom čitanju Prijedlog zakona o prestanku važenja Zakona o flaširanim pitkim vodama BiH

Doma naroda takođe je usvojio i sljedeći zaključak:

„S obzirom da nastupa vrijeme godišnjih odmora, amandmanska faza na Prijedloge zakona koji su na današnjoj sjednici usvojeni u prvom čitanju, produžuje se do 1. septembra 2008. godine.“

**Ad. 8.**

Dom naroda jednoglasno je usvojio po hitnom postupku Odluku o izmjenama Odluke o organizaciji Sekretarijata Parlamentarne skupštine Bosne i Hercegovine

**Ad. 9.**

Dom naroda jednoglasno je usvojio Izvještaj Zajedničke komisije za usaglašavanje teksta o Prijedlogu zakona o Fiskalnom vijeću BiH

**Ad. 10.**

Dom naroda jednoglasno je usvojio Izvještaj o radu Centralne izborne komisije BiH za 2007. godinu sa sljedećim zaključkom:

„Svi nadležni organi dužni su preduzeti sve aktivnosti iz svoje nadležnosti radi realiziranja preporuke Centralne izborne komisije BiH, navedene u Izvještaju Komisije u dijelu „Zaključna razmatranja i preporuke“, te o tome izvjestite Dom naroda“.

**Ad. 11.**

Dom naroda jednoglasno je usvojio Izvještaj Ureda za reviziju institucija BiH o izvršenoj reviziji u 2006. godini sljedećih institucija:

- a. Ministarstva odbrane BiH
- b. Ministarstva finansija i trezora BiH.

**Ad. 12.**

Dom naroda većinom glasova usvojio je Godišnju platformu o obavještajno-sigurnosnoj politici, podnosilac: Predsjedništvo BiH sa sljedećim zaključkom:

“Dom naroda izražava nezadovoljstvo kvalitetom Godišnje Platforme o obavještajno - sigurnosnoj politici, i traži od organa koji učestvuju u donošenju ovog dokumenta, da na vrijeme pripreme Godišnju platformu o obavještajno - sigurnosnoj politici za 2009 godinu te uvažavaju primjedbe iznesene u raspravi na 19. sjednici Doma naroda”

**Ad. 13.**

Dom naroda je za ombdusmene u Instituciji ombdusmena za ljudska prava Bosne I Hercegovine izabrao:

1. Ljubomira Sandića iz reda srpskog naroda
2. Ivu Bradvicu iz reda hrvatskog naroda i
3. Jasminku Džumhur iz reda bošnjačkog naroda

**Ad. 14.-24.**

Dom naroda jednoglasno je dao saglasnost za ratifikaciju sporazuma iz ovih tačaka dnevnog reda.

S poštovanjem,

**PREDSJEDAVAJUĆI**  
**DOMA NARODA**  
dr Mladen Ivanić